

Ronnie, Teng dipanggil jawatankuasa disiplin DAP
Malaysiakini.com
August 01, 2010

Exco kerajaan Selangor Ronnie Liu dan speaker DUN negeri Teng Chang Khim akan dipanggil oleh jawatankuasa disiplin DAP pada 12 Ogos ini berhubung isu surat sokongan.

Pengerusinya, Tan Kok Wai mengumumkan hari ini bahawa jawatankuasa tersebut akan meminta Ronnie dan Teng memberi penjelasan berhubung dakwaan yang dibuat oleh ahli Majlis Perbandaran Klang, Tee Boon Hock

Tee memberitahu jawatankuasa itu semalam bahawa dia telah diarahkan oleh Ronnie supaya menandatangani surat-surat sokongan di mana Tee telah dituduh memalsukannya untuk faedah rakan dan anggota keluarganya.

Mengenai Teng pula, Tan berkata speaker tersebut akan perlu memberi bukti mengenai individu yang didakwanya "pesalah sebenarnya".

Tan merujuk kepada Tweet Teng semalam di mana beliau berkata: "OMG! Real culprit freed".

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/138886>